

Las cartas da troccas



In giug da troccas consista da **78 cartas**. Da quellas 78 cartas

ein 14 **spadas**, 14 **cuppas**, 14 **rosas**, 14 **bastuns**, 21 **troccas** ed ina **il narr**.

Las spadas, las rosas, ils bastuns e las cuppas ein las colurs dil giug da troccas. Ellas consistan mintgamai da **retg**, **regina** (=dama, femna), **cavagl**, **buob** e da diesch **lecras**.

Las **troccas** ein numeradas dad **I tochen XXI**. Ins savess eumparegliar ellas ein ils **trumps** en il giug da jass; eun la differenza ch'ins **sto dar ellas, sch'ins ha buca color**. Il **narr** ei il **joker** dil giug da troccas. El sa remplazzar mintga carta, s'auda denton adina a quel che dat el.

Ils **retgs**, il **bagat**, il **mund** (XXI) ed il **narr** vegnan numnai ils **honors** e valan **5 puncts**. Las **reginas** dumbran **4 puncts**, ils **cavals** mintgamai **3 puncts** ed ils **buobs** **2 puncts**. Las lecras e las ulteriuras troccas valan nuot. Cunquei ch'ils stehs e buc las cartas vegnan dumbrai, astg'ins denton dumbrar **in punct per steh** cun mintgamai **4 lecras ni troccas**.

Il pli savens dat ins il giug da troccas en quater. Mintgamai dus e dus dattan ensemen e **mintgin survegn 19 cartas**. Il **scartist** (=quel che reparta las cartas) survegn **21 cartas** e sa **metter giu 2 cartas**, sinaquei ch'el hagi buca color e sappi engular las figuras e cun quei puncts digl adversari.



Las reglas dil giug



FINAMIRA:

Far aschi biars puncts sco pusseivel e fleivlentar la cunterpartida entras sfurzar ella cun dar malizusamein da duvrar lur troccas per cartas che dumbran buc.

In **giug** cuoza **4 rundas** e tgi che ha alla fin puncts positivs (+ puncts, buns), ha gudignau.

Troccas dat ins pil pli en quater, dus encunter dus. Ei vegn tratg la sort per mirar tgeinins dus che dattan ensemen. Quei vegn fatg sco suonda: L'emprema carta vegn tsehentada enamiez la meisa, lu survegn mintga giugadur (en roda, dretg entuorn) ina carta. Tgi che survegn ina trocea vegn sursiglius. Quei va aschia vinavon, tochen che mintgin ha ina trocca. Las duas bassas dattan ensemen e la pli bassa entscheiva a dar ora (=scartist).

Quel da vart seniastra dil scartist **aulza e muossa la carta suten a tuts deno al scartist**. Mintga giugadur survegn **all'entschatta 6 cartas**. La secunda ga survegn mintgin **puspei 6 cartas**, mo **la tiarza gada** vegn repartiu **7 cartas** e pil **scartist restan 9 cartas**. La tiarza gada **volva il scartist mintgamai la 7avla carta** (deno la sia), aschia ehe tuts vesan tala.

Ein las empremas 6 cartas repartidas, vegn **fatg cussegl (tschintschau/cantau)**, sch'ins vegli autras cartas ni buc. Mintga giugadur sa sfurzar ils auters da giugar. Medemamein vegn secussegliau, cura che 12 e tut las cartas ein repartidas. Sch'il scartist ha neginas troccas, lu sa-el pretender autras cartas era encunter la veglia dils auters.

Cura eh'il giug ei repartius e mintgin ha sias cartas, metta il scartist 2 cartas d'in maun (el fa scart), il pli savens dalla colur, nua eh'el ha mo 2 cartas, per aschia puder tier in retg ni ina regina dall'autra partida cun ina trocca. Sche quei ei buc realisabel ni fa en quei mument buca senn, san ins era metter el scart duas figuras periclitadas. Quel da maun dretg dil scartist entscheiva.

Mintga giugadur sto dar colur. **Ha el buca colur, sto el dar troccas** e per cura ch'el ha buc pli colur e buca pli troccas, astga el dar tgei ch'el vul.

Las troccas pon tut, era la pli aulta figura. Ein neginas troccas sin meisa, po il retg, lu la dama (regina, femna), il cavagl, il buob, il diesch, e.a.v. Mo tier las **cuppas** e tier las **rosas po la bassa lecra** l'aulta. Entscheiva in giugadur cul narr, lu decida il proxim giugadur eun sia carta la colur, eunquei ch'il narr po gie mai.

Po la cunterpartida il steh cul narr, astga quel che ha dau il narr brattar tal cun ina earta vita (=lecra) gia giugada ni sch'els han aune neginas, pli tard. Fa ina partida matsch, s'audan il narr ed il scart a tshella partida. Dat in **l'emprema gada** ch'ei vegn dau quella colur il **retg**, sa el **pretender il buob**. Tgi che ha quel, sto dar el e

sa persunter prender in lecra da quella colur si da meisa. Ha lez denton dau ina Figura (dama ni cavagl), sto el prender ensi quel, cura eh'el dat il buob. Gl'entir giug dumbra 72 puncts. Mintga partida duess contonscher la mesadad da quels. Ils **puncts che mauncan per contonscher la mesadad (=36)** numnan ins **schliats** (- punets, deivets); quei che **survarga ils 36 ein buns** (+ puncts, da bien).

TSCHINTSCHAR



Il tschintschar ei in tratg caracteristic dil giug da troccas el Grischun. Ein sis cartas repartidas, di igl **emprem ed il secund giugadur** tgei cartas ch'els han enta maun (=cantar). Quei vegn fatg cun **expressiuns specialas** che tradeschan tgei ch'il singul giugadur ha survegniu. Conta il giugadur bein ni ha il tierz giugadur sez **bunas cartas**, sa el dir da **dar ora vinavon**. Ei quei denton **buca il cass**, sa el era **schar liber**, quei vul dir **surschar la decisiun al scartist**. Lez ha la pussevividad da reparter aunc inagada sis cartas ni da better en il giug ed aunc inagada dar ora las cartas danovamein. Quella **procedura** succeda **era suenter 12 e 19 cartas**. Ha in giugadur **fetg bunas cartas**, sa el **cumandar** da dar vinavon ed il davos schizun da far scart.

Las suandontas expressiuns vegnan duvradas:

EN SIS/EN DUDISCH

<i>strusch in</i>	in honor	<i>autras</i>	pauc da vaglia, sco p. ex. in cavagl cun lecras
<i>in</i>	dus honors	<i>nuot, lavadas</i>	mo lecras
<i>tric e trac</i>	la mesadad ein troccas	<i>il narr</i>	la mesadad ein troccas
<i>pauc</i>	ina/duas figuras, ina/ duas troccas	<i>il narr blut</i>	il narr senza troccas
<i>jeu mirel, aunc sis</i>	camond per far dar ora aunc inagada sis cartas	<i>jeu lasch liber</i>	vuler autras cartas, vuler better en il giug

EN TUT

<i>in trochetg</i>	5-6 troccas	<i>in pass</i>	2 honors cun 6-7 troccas
<i>ina trocca</i>	7-8 troccas	<i>in passet</i>	in bellezza giug
<i>in pèr tunnels</i>	4-5 troccas pintgas	<i>pli bugen autras, strusch mia part</i>	giug mediocher
<i>da Medel</i>	8 - 10 troccas aultas	<i>in passun, jeu sun buc cheu</i>	nuot
<i>da Tujetsch</i>	figuras	<i>jeu gidel, jeu sun cheu</i>	in bellezza giug
<i>ina cuort, ina famiglia</i>	retg, regina (dama/ femna) e cavagl d'ina colur	<i>fai scart, nus dein</i>	camond per dar

Adressa da contact: Annalisa Cathomas, Via Bual 17, 7130 Glion; annalisacathomas@hotmail.com